

Hypochonder

Text: T. Engel / Musik: J. Fritz
Verlag: Manuskript

Wenn einer nur sprich
Üvver sing Moläste
Deit mir schon alles wih
Denn en Krankheite ben ich d´r Beste
Als Hypochonder weiß mer mih

Ob Hätz - ob Kreislauf - Luff em Buch
Ob Levver oder Jall
Ich han dä joldene Krankesching
Ich kenne se wirklich all

Ich ben ene Hypochonder
Bei mir hilf nur noch e Wunder
Ben ene Hypochonder
Met jeder Krankheit per du

Ich ben ene Hypochonder
Bei mir hilf nur noch e Wunder
Ben ene Hypochonder
Ben ich krank ben ich jesünder

Un hät ens einer Röggeping
Steit krumm en minger Dür
No 5 Minute es dä fitt
Un die Röggeping sin mir

Dat ich üvverhaup noch levve
Es schon komisch anfürsich
Denn alles wat am Levve schön es
Es uninteressant für mich

Ich ben ene Hypochonder
Bei mir hilf nur noch e Wunder
Ben ene Hypochonder
Met jeder Krankheit per du

Ich ben ene Hypochonder
Bei mir hilf nur noch e Wunder
Ben ene Hypochonder
Ben ich krank ben ich jesünder

Ich han jede Allergie -
Wor en jeder Therapie
Ich han alles -
Ich ben wunschlos jlöcklich krank
Un wenn ich ovends lijje
Jemütlich wärm em Bett
Dann dräum ich vun ener Krankheit
Die ens wirklich keiner hät

Ich ben ene Hypochonder
Bei mir hilf nur noch e Wunder
Ben ene Hypochonder
Met jeder Krankheit per du

Ich ben ene Hypochonder
Bei mir hilf nur noch e Wunder
Ben ene Hypochonder
Ben ich krank ben ich jesünder